

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON/ŽUPANIJA
OPĆINSKI SUD U MOSTARU
Broj predmeta: 58 0 St 263707 22 St
Mostar, 27.04.2023. godine

Općinski sud u Mostaru, kao stečajni sud, po stečajnom sucu Ivani Soldić, u prethodnom stečajnom postupku koji se provodi nad imovinom stečajnog dužnika "INGHYDRO" Društvo za projektovanje i inženjering d.o.o. Konjic, sa sjedištem u Konjicu, Trg državnosti bb, Konjic, kojeg zastupaju punomoćnici Nihad Sijerčić, Amina Đugum, Lejla Ademović, Nihad Odošić, Alma Hota i Ferid Kapidžić, odvjetnici iz Sarajeva, Ul. fra Andela Zvizdovića br. 1, 71000 Sarajevo, i Marija Pušić, odvjetnica iz Mostara, Bišće polje bb - Intera Tehnology park, nakon provedenog prethodnog postupka izvan raspravno je donio sljedeće:

R J E Š E N J E

- I. Dana 27.04.2023. g. u 14,30 sati otvara se stečajni postupak nad stečajnim dužnikom:

"INGHYDRO" Društvo za projektovanje i inženjering d.o.o. Konjic, sa sjedištem u Konjicu, Trg državnosti bb, Konjic,
MBS: 58-01-0332-16 (stari broj 65-01-0188-09),
JIB: 4201421110000,
Glavni račun kod NLB Banke d.d. Sarajevo br. 132-260-20068716-31
- II. Imenuje se stečajni upravitelj Belma Gazić Džebić iz Sarajeva, Ul. Sagrdžije br. 32, 71000 Sarajevo.
- III. U Registru društva ovog suda kod subjekta upisa MBS 58-01-0332-16 uz firmu ili naziv stečajnog dužnika upisat će se oznaka "u stečaju", a u rubrici "osobe ovlaštene za zastupanje subjekta upisa" umjesto imena i prezimena direktora, upisat će se ime i prezime stečajnog upravitelja.
- IV. Pozivaju se vjerovnici da u roku od 30 dana od dana objavljivanja oglasa prijave svoja potraživanja stečajnom sudu u dva primjerka, sa dokazima, pozivom na broj 58 0 St 263707 22 St. Uz prijavu vjerovnik je dužan priložiti dokaz o uplaćenju pristojbi na prijavu koja se plaća u iznosu od 0,9% vrijednosti potraživanja, s tim da ne može biti manja od 45,00 KM, niti veća od 9.000,00 KM. Pristojbu je potrebno uplatiti na depozitni račun HNŽ/K kod UniCredit banke d.d. Mostar, broj računa 3380002200005953 – Vrsta prihoda 722221, Općina 180, vrsta uplate 1.
- V. Pozivaju se vjerovnici stečajnog dužnika da u roku od 30 dana obavijeste stečajnog upravitelja koja prava osiguranja potražuju na predmetima imovine stečajnog dužnika (navesti predmet na kojem se potražuje pravo

osiguranja, vrsta i razlog nastanka prava osiguranja kao i osigurano potraživanje).

- VI. **Pozivaju se sve osobe koje imaju obaveze prema stečajnom dužniku da ih bez odgađanja izvrše prema stečajnom dužniku.**
- VII. Pozivaju se stečajni dužnik i sve treće osobe da stečajnom upravitelju predaju u posjed imovinu i dokumentaciju stečajnog dužnika koja je u njihovom posjedu.
- VIII. Zakazuje se ročište za Skupštinu vjerovnika na kojoj će se ispitati prijavljena potraživanja za dan **PETAK, 07.07.2023. g. u 11.00 sati** u sudnici 44/ I. kat zgrade suda, Ul. Maršala Tita br. 94, Mostar. Nakon završenog ispitnog ročišta, odmah će se održati izvještajno ročište na kojem će Skupština vjerovnika na osnovu izvještaja stečajnog upravitelja odlučiti o daljem tijeku stečajnog postupka.
- IX. Rješenje o otvaranju stečajnog postupka objavit će se na oglasnoj tabli suda, web stranici suda -elektronskoj tabli suda, na internet stranici FIA-e, a u "Službenim novinama Federacije BiH" objavit će se samo izreka rješenja. Kopija rješenja dostavit će se Županijskom/kantonalnom tužiteljstvu HNŽ/K Mostar, Poreznoj upravi Federacije BiH i Upravi za indirektno oporezivanje Bosne i Hercegovine.

O b r a z l o ž e n j e

Direktor stečajnog dužnika Jereb Klemen, putem punomoćnika, je dana 27.09.2022. g. podnio prijedlog za otvaranje stečajnog postupka nad društvom "INGHYDRO" Društvo za projektovanje i inženjering d.o.o. Konjic, sa sjedištem u Konjicu, Trg državnosti bb, Konjic. U prijedlogu je navedeno kako je predloženo društvo platežno nesposobno, da ne može platiti dospjele fakture dobavljača niti plaće radnicima u kontinuiranom periodu od 60 dana, o čemu prilaže dokumentaciju, zajedno sa dokumentacijom iz čl. 58. st. 4. Zakona o stečaju, te predlaže da se provede postupak..

Nakon pribavljanja neophodne dokumentacije, uplate predujma troškova prethodnog stečajnog postupka i saslušanja zakonskog zastupnika stečajnog dužnika na ročištu 14.11.2022. g.. sud je Rješenjem od 14.11.2022. g. imenovao privremenog stečajnog upravitelja Belma Gazić Džebić iz Sarajeva, Ul. Sagrdžije br. 32, 71000 Sarajevo, sa zadatkom da osigura imovinu stečajnog dužnika, te da utvrdi postoje li razlozi za otvaranje stečajnog postupka.

Na ročištu 16.01.2023. g. raspravljalo se o postojanju uvjeta za otvaranje stečajnog postupka. Privremena stečajna upraviteljica je utvrdila u svom izvještaju od 16.12.2022. g., a potvrdila i obrazložila na tom ročištu postojanje stečajnih razloga te stanje imovine i obveza stečajnog dužnika, te dodatno po pozivu suda podneskom od 11.04.2023. g.

Iz Aktualnog Izvoda iz sudskog registra od 31.10.2022. g. za stečajnog dužnika utvrđeno je da je stečajni dužnik upisan je u Sudski registar Općinskog suda u Mostaru pod brojem MBS: 58-01-0332-16 (stari broj 65-01-0188-09), pod nazivom

“INGHYDRO“ Društvo za projektovanje i inženjering d.o.o. Konjic (skraćena oznaka firme “INGHYDRO” d.o.o.), sa sjedištem u Konjicu, Trg državnosti bb, Konjic. Jedini član društva je KOLEKTOR OVE Investicije v obnovljive vire energije d.o.o. (skraćena tvrtka KOLEKTOR OVE d.o.o.) Slovenija, Ljubljana, Rovšaničeva 7, Šentvid - vlasnik 100% udjela, a ugovoreni kapital je 1.361.957,27 KM. Stečajni dužnik je do 14.07.2016. g. obavljao djelatnost u Sarajevu, sa sjedištem na adresi Sarajevo - Novo Sarajevo, Ul. Džemala Bijedića br. 2/II. Osoba ovlaštena za zastupanje stečajnog dužnika je direktor Jereb Klemen. Prema Obavijesti o razvrstavanju pravne osobe prema djelatnosti, koju je izdalo Federalni zavod za statistiku, stečajni dužnik je razvrstan u naziv djelatnosti prema KD (2006) 74200, šifra djelatnosti KD BiH 2010 7112.

Prema iskazu direktora stečajnog dužnika Jerebu Klemenu društvo je registrirano sa isključivom svrhom izgradnje i upravljanja malom hidroelektranom, a koja svrha se više ne može realizirati zbog promjene zakonske regulative.

Privremeni stečajni upravitelj u prethodnom postupku je utvrdio kako je stečajni dužnik osnovan za potrebe postupanja u skladu sa Ugovorom o koncesiji izgradnje MHE na rijeci Ljutoj, a u međuvremenu je usvojen Zakon o dopunama Zakona o električnoj energiji kojim se zabranjuje izgradnja MHE pa da stečajni dužnik nije imao načina da stječe bilo kakve prihode od 06./2022. godine ni da izmiri sve svoje obaveze po osnovu plaća, zakupa, komunalija i dr. pa je iz tog razloga u roku od 60 dana od nastupanja platežne nesposobnosti i podnesen prijedlog za otvaranje stečajnog postupka.

Privremeni stečajni upravitelj je utvrdio da je stečajni dužnik ima otvoren glavni/transakcijski računa broj: 132-260-20068716-31 (KM), kod NLB Banka d.d. Sarajevo, koji je bio aktivan na dan 15.09.2022.godine sa iznosom na računu 1.376,15 KM; potom da ima otvoren namjenski račun broj: 132-260-20171592-57 kod NLB Banka d.d. Sarajevo, koji je također bio aktivan na dan 15.09.2022.godine sa iznosom na računu 201,29 KM); te devizni račun broj: 102355091 kod NLB Banka d.d. Sarajevo, koji je također bio aktivan na dan 15.09.2022.g. ali na kojem nije bilo sredstava, a što proizlazi i iz Potvrde o solventnosti izdata od strane NLB Banka d.d. Sarajevo, broj 112601-1264/22 od 15.09.2022.godine koja je sadržana u spisu.

U pogledu zaposlenih u vrijeme prethodnog stečajnog postupka, privremeni stečajni upravitelj je utvrdila da postoji samo jedan zaposleni radnik - direktor Jereb Klemen koji je zasnovao radni odnos na određeno vrijeme i to na period od 06.06.2022. - 05.06.2023. godine.

Privremeni stečajni upravitelj je utvrdio da predloženo društvo danas nema poslovne prostorije, jer je poslovalo u zakupljenim prostorijama uzetim po osnovu Ugovora o zakupu poslovnog prostora sa “JP BH POŠTE” d.o.o. Sarajevo, Centar pošta Mostar, na adresi Trg državnosti bb Konjic od 09.08.2018.godine, kao i na osnovu Aneksa tog Ugovora o zakupu poslovnog prostora od 27.11.2020. godine, no kako je zakupodavac dana 24.10.2022. godine obavijestio stečajnog dužnika o raskidu Ugovora o zakupu poslovnog prostora shodno obostranoj volji ugovornih strana iz razloga jer je pred Općinskim sudom u Mostaru podnesen prijedlog za pokretanje stečajnog postupka.

U pogledu imovine koja bi činila stečajnu masu, privremeni stečajni upravitelj je utvrdio da ne postoje nekretnine stečajnog dužnika, kao niti vozila registrirana kao vlasništvo stečajnog dužnika, što je dokumentirano Rješenjem MUP-a HNK broj

02-03/1-1-03-07-23-755/22 od 05.12.2022. godine sa prilogom broj 02-03/1-4-03-07-18-161/22 od 01.12.2022. g. te Uvjerenjem ZK Ureda Konjic broj 056-0-RZ-22-001 948 od 01.12.2022.godine, i Obavijješću ZK Ureda Općinskog suda u Mostaru br. 058-0-RZ-22-006 297 od 02.12.2022. g.

Privremeni stečajni upravitelj je u izvještaju sačinila pregled pokazatelja ekonomsko-financijskog stanja na osnovu uvida u Bilansu stanja i Bilansu uspjeha za 2021. godinu, i za period 01.01.-30.09.2022. godine. Kasnije je na poziv suda dostavlja i kompletan financijski izvještaj za 2022. g. Ista je objasnila kako je prema bilanci uspjeha za 2021. godinu vidljivo se da je stečajni dužnik poslovao sa neto gubitkom od 40.969,00 KM, a u periodu od 01.01.-30.09.2022. godine da je povećao gubitak na 81.400,00 KM. Društvo je u 2021. godini iskazalo gubitak u iznosu od 40.969 KM, a u periodu 01.01.2022.-30.09.2022. godine povećalo gubitak na 81.400 KM. U 2022. g. iskazan je gubitak od 2.196.775 KM. Privremena stečajna upraviteljica je objasnila kako je došlo do otpisa investicije od 2.038.700,02 KM u skladu sa Odlukom stečajnog dužnika od 12.12.2022. g. na koju je ona dala prethodnu pisanu suglasnost dana 30.11.2022. g. koju je dostavila sudu. Pojasnila je kako je riječ o projektu koji je trebao biti realiziran za gradnju male hidroelektrane i da se ne može očekivati realizacija te investicije na osnovu tog projekta koji je neupotrebljiv i kao takav nema vrijednost zbog zabrane gradnje mHE u skladu sa Zakonom o električnoj energiji, a što je utvrdila na temelju uvida u dokumentaciju stečajnog dužnika. Isto tako u 2022. g. došlo je do otpisa stalnih sredstava - opreme, koji otpis je izvršen na temelju iste prethodne suglasnosti privremenog stečajnog upravitelja, a otpisana vrijednost je 87,38 KM, a koju suglasnost je privremena stečajna upraviteljica dala jer oprema nije imala vrijednost i bila je neupotrebljiva. Prethodna suglasnost privremene stečajne upraviteljice od 30.11.2022. g. za ova dva otpisa je dostavljena u spis uz podnesak privremene stečajne upraviteljice od 11.04.2023. g.

Jedina imovina preostala u financijskim izvještajima stečajnog dužnika je potraživanje iznosa od 88.940,86 KM od Općine Konjic, a osnova tog potraživanja je Ugovor o koncesiji za projektiranje, izgradnju, korišćenje i prijenos mHE na slivu rijeke Ljute od 26.09.2008. g.

Iako iz izjašnjenja predlagatelja i privremenog stečajnog upravitelja proizlazi da je riječ o potraživanju čija naplativost nije vjerojatna, sud konstatira da je riječ o značajnoj imovini, za koju očito ne postoji nikakva osnova za otpis, a iz koje se mogu pokriti troškovi stečajnog postupka i namiriti vjerovnici u određenom postotku, ako do naplate tog potraživanja dođe. Na temelju tog upisa u poslovne knjige stečajnog dužnika ne može se smatrati da stečajni dužnik nema imovine.

Privremeni stečajni upravitelj je objasnio kako negativan poslovni rezultat stečajnog dužnika, kada se stvaraju obaveze u većem obimu nego što se ostvaruje prihod, neizbježno dovodi do njegove financijske likvidnosti tj. do nemogućnosti da na vrijeme izmiruje dospjele i potraživane obaveze, što je i jedan od razloga za otvaranje stečajnog postupka. Koeficijent likvidnosti pokazuje kolika je pokrivenost kratkoročnih obveza likvidnom kratkotrajnom imovinom, tj. novčanim sredstvima, a privremeni stečajni upravitelj je utvrdio koeficijent trenutne likvidnost stečajnog dužnika od 0,166 koji pokazuje da stečajni dužnik uopće ne može izmirivati dospjele obaveze.

U pogledu obveza stečajnog dužnika, privremeni stečajni upravitelj je u svom izvještaju dao pregled obaveza koje prema knjigovodstvenim evidencijama stečajnog dužnika ukupno iznose 1.168.469 KM, a prema završnom bilansu za 2022. g..

Privremeni stečajni upravitelj je utvrdio da se poslovanje stečajnog dužnika ne odvija i da nema uvjeta za nastavak poslovanja u fazi prethodnog stečajnog postupka.

U postupku je utvrđeno da je prijedlog za otvaranje stečajnog postupka podnesen sudu od strane predlagatelja u roku kraćem od 60 dana od dana nastupanja platežne nesposobnosti, jer se iz gore priloženog može vidjeti da su računi stečajnog dužnika bili aktivni u vrijeme pokretanja prethodnog postupka, a jednako se izjasnio i privremeni stečajni upravitelj na temelju ukupne dokumentacije u spisu u podnesku od 11.04.2022. g.

Privremeni stečajni upravitelj je utvrdio da stečajni dužnik ima imovine u obliku nenaplaćenog potraživanja od Općine Konjic, a da nema mogućnost nastavka poslovanja koje je već obustavljeno.

Sud je izvršio uvid u sve isprave prikupljene u tijeku postupka :

1. Prijedlog za otvaranje stečajnog postupka datirana na dan 27. 09.2022. g. i primljena kod ovog suda na dan 28.09.2022. g.;
2. Punomoć za zastupanje od 5.9.2022. g.;
3. Ugovor o koncesiji od 26.9.2008. g. sa Anex-om br. 1 od 29.3.2011. g. i Anex-om 2 od 23.1.2014. g.;
4. Aktuelni izvod iz sudskog registra od 24.2.2022. godine
5. Aktualni izvod iz sudskog registra broj: 065-0-RegZ-22-011452 od 31.10.2022. godine;
6. Bilans uspjeha za period od 01.01.2022. do 31.08.2022. godine i za period od 01.01.2022. g. do 30.09.2022. godine;
7. Bilans stanja na dan, 31.08.2022. g. i na dan 30.09.2022. godine;
8. Izvještaj o popisu imovine i obveza društva na dan 30.9.2022. g.;
9. Uvjerjenje UINO RC Mostar broj: 02/6/III-16-11-2-5385/22 od 18.10.2022. godine
10. Uvjerjenje ZK ureda Općinskog suda u Mostaru broj: Rz-5833/2 od 3.11.2022. godine
11. Potvrda NLB Banke, Podružnica Sarajevo, broj: 11254-1264/22 od 15.9.2022. g.;
12. Uvjerjenje HNŽ/HNK MUP-a – Uprava za administraciju i potporu, broj: 02-03/1-4-03-07-18-143/22 od 25.10.2022. g.;
13. Bruto bilans datiran dana 15.9.2022. g..
14. Izvještaj privr. stečajne upraviteljice sa priložima, od 16.12.2022. g.
15. Izjava od 01.12.2022.godine, sa apostille od notarke Barbara Andrić Velkovrh OV.:5879/22 (fotokopija)
16. Ugovor o radu i aneks ugovora o radu, između „INGHYDRO“ d.o.o. Konjic i Jereb Klemen zaključen dana 18.07.2022.godine (fotokopija).
17. Ugovor o zakupu poslovnog prostora od 09.08.2018.godine
18. Aneks ugovora o zakupu poslovnog prostora od 27.11.2020.godine
19. Obavijest o raskidu Ugovora o zakupu poslovnog prostora (fotokopija)

20. Informacije o sudskim sporovima pravnog lica „INGHYDRO“ d.o.o. Konjic od 21.11.2022.godine (fotokopija)
21. Dopis Općinski sud u Mostaru broj : Su-uvip:4091/2022 od 30.11.2022.godine (fotokopija)
22. Općinski sud u Konjicu dana dopis broj: 56 0 Su 077642 22 Spi od 05.12.2022.godine (fotokopija)
23. Zahtjev za pristup informacijama MUP-a Kantona HNK-a od 21.11.2022. godine (fotokopija)
24. Rješenjem broj 02-03/1-1-03-07-23-755/22 od 05.12.2022.godine, sa prilogom broj 02-03/1-4-03-07-18-161/22 od 01.12.2022. godine(fotokopija
25. Informacija o imovini pravnog lica „INGHYDRO“ d.o.o. Konjic.od 21.11.2022.godine (fotokopija)
26. Poziv za uplatu sudske takse od 23.11.2022.godine, (fotokopija)
27. Dostava takse od 30.11.2022.godine (fotokopija)
28. Uvjerjenje Općinskog suda u Konjicu, z.k. odjeljenje od 01.12.2022.godine, (fotokopija)
29. Potvrda o prijemu pošiljke od 21.11.2022.godine (fotokopija)
30. Obavijest ZK Ureda Općinskog suda u Mostaru br. 058-0-RZ-22-006 297 od 2.12.2022. g.
31. Rješenje o pokretanju postupka prinudne naplate od Kantonalnog poreznog ureda Mostar broj 13-7-01-12-26-995/2022-1 S.M. od 05.12.2022.godine, (fotokopija)
32. Podnesak sa odgovorom za Kantonalni porezni ured Mostar, Porezna od 14.12.2022.godine (fotokopija)
33. Odluka skupštine društva “INGHYDRO” Društvo za projektovanje i inženjering d.o.o. Konjic, za otpis investicija od 12.12.2022. godine (fotokopija)
34. Bilans stanja i bilans uspjeha od 13.12.2022. godine (fotokopija)
35. Zahtjev za isplatu sredstava po osnovu Ugovora od 12.12.2022. godine (fotokopija)
36. Ugovor između društva “INGHYDRO” Društvo za projektovanje i inženjering d. od o.o. Konjic, i Trasa d.o.o. Sarajevo, od 08.08.2018.godine(fotokopija
37. Račun br:/ 58/18 od 29.08.2018.godine (fotokopija)
38. Podnesak privremene stečajne upraviteljice od 11.04.2023. g. sa priložima - kompletan finansijski izvještaj za stečajnog dužnika za 2022. g. i prethodna suglasnost privremenog stečajnog upravitelja od 30.11.2022. g.

Na osnovu Izvještaja privremenog stečajnog upravitelja, njegovog usmenog objašnjenja i dopune, na temelju izjave zakonskog zastupnika stečajnog dužnika, te kompletne pribavljene dokumentacije, sud je utvrdio da postoji stečajni razlog – platežna nesposobnost stečajnog dužnika (jer stečajni dužnik ima značajnih obveza koje ne izmiruje u knjigovodstvenom iznosu od 1.168.469 KM, a da na računima nema ni približno dovoljno sredstava, niti likvidne imovine uopće. Stečajni dužnik ima imovinu u vidu nenaplaćenih potraživanja čija knjigovodstvena vrijednost iznosi 88.940,86 KM. Riječ je o imovini koja nije likvidna, potrebno je istu naplatiti. Zaključuje se da je knjigovodstvena visina obveza daleko veća od vrijednosti imovine.

Predlagatelj je uplatio predujam za otvaranje stečajnog postupka u iznosu od 3.000,00 KM po nalogu suda.

Odredbom čl. 102. st. 6. *Zakona o stečaju*¹ propisano je da stečajni sudac otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka. U ovom slučaju imovina stečajnog dužnika ima daleko veću vrijednost od predviđenih troškova stečajnog postupka, koji bi se sastojali u naknadi za stečajnog upravitelja, postupku prinudne naplate potraživanja od jednog dužnika te materijalnih troškova. Ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudac će zainteresirane osobe da u roku od 30 dana od dana objavljivanja poziva predlože otvaranje stečajnog postupka i uplate predujam za osiguranje troškova stečajnog postupka, u iznosu koji odredi stečajni sudac. (čl. 102. st. 7. *Zakona o stečaju*).

U ovom slučaju prijedlog je podnio sam stečajni dužnik, pismeno, radi platežne nesposobnosti, a koja je nastupila po utvrđenju privremenog stečajnog upravitelja neposredno prije pokretanja ovog postupka. Predlagatelj je uz prijedlog na zahtjev suda kompletirao sve isprave iz čl. 58. st. 4. *Zakona o stečaju*, pa je prijedlog dopušten u smislu čl. 7. i čl. 58. *Zakona o stečaju*.

Navedeno upućuje na zaključak da postoji stečajni razlog – platežna nesposobnost stečajnog dužnika u smislu čl. 6. st. 5. *Zakona o stečaju*.

Privremeni stečajni upravitelj je utvrdio da je društvo već prestalo poslovati, da nema osnovna sredstva za rad iz čega proizlazi zaključak da nema mogućnosti za nastavak poslovanja.

Predlagatelj je cijelo vrijeme trajanja prethodnog postupka ostao kod prijedloga da se stečajni postupak provede te je platio sve iznose koje je stečajni sud tražio na ime predujma troškova vođenja prethodnog i stečajnog postupka: sudsku taksu 90,00 KM, predujam od 3.000,00 KM, te troškove objave oglasa u Službenim novinama F BiH. Taj predujam sud cijeni kao postupanje po čl. 102. toč. 9. *Zakona o stečaju*. Nakon ovako provedenog prethodnog postupka sud je izveo zaključak da su se kumulativno stekli svi zakonski preduvjeti za otvaranje stečaja nad predlagateljem:

- Prijedlog za otvaranje stečajnog postupka je dopušten jer je podnesen od ovlaštene osobe – stečajnog dužnika ;
- Postoji stečajni razlog: Stečajni dužnik je platežno nesposoban ;
- Prijedlog je osnovan: Stečajni dužnik ima neizmirena dugovanja koja nije sposoban izmiriti ;
- stečajni dužnik je po pozivu suda izvršio uplatu predujma u iznosu od ukupno 3.000,00 KM, koji iznos je po procjeni suda dovoljan za otvaranje stečajnog postupka;

pa je sud iz svih opisanih razloga, utvrđenih činjenica i akcentiranih pravnih osnova sud odlučio kao u izreci ovog rješenja.

Sud je imenovao stečajnog upravitelja sa službene liste stečajnih upravitelja koju vodi Federalno ministarstvo pravosuđa, a cijeneći raspoloživost dostupnih stečajnih upravitelja (angažiranost u drugim predmetima ovog suda), te okolnost da je Belma Gazić Džebić već obavila u ovom predmetu posao privremenog stečajnog upravitelja

¹ Sl. Novine F BiH br. 53/21

korektno, pa je njezino imenovanje za stečajnog upravitelja je u interesu načela ekonomičnosti (i uštede vremena i troškova postupka).

Ostatak predujma prenijet će se na bankovni račun stečajnog dužnika, kojeg će otvoriti stečajni upravitelj odmah po zaprimanju ovog rješenja, i iz kojeg će isplatiti materijalne troškove prethodnog postupka i nagradu za privremenog stečajnog upravitelja prema čl. 63. st. 14. *Zakona o stečaju* (prema kriterijima iz *Pravilnika kojim se propisuju nagrade i naknade troškova stečajnim upraviteljima*), te vršiti plaćanja ostalih obveza stečajne mase sukladno odredbama Zakona o stečaju, o čemu je dužna podnositi račun stečajnom sudu.

Pouka o pravnom lijeku:

Protiv rješenja o otvaranju stečajnog postupka, stečajni dužnik može izjaviti žalbu u roku od osam dana od dana dostavljanja rješenja. Žalba ne odgađa izvršenje rješenja. Dostava se smatra izvršenom istekom pet dana od dana oglašavanja u "Službenim novinama Federacije BiH" i od tada počinje teći rok za žalbu.

STEČAJNI SUDAC
Ivana Soldić